



石倉十二代詩選

四集卷九十二

三幻集

大明

濮州龔秉德著
後學曹學佺閱

山行晚投梅心驛次李北山

長風捲霓旌深嶺度霜戟肩輿歷下坂懸崖畏
巉石不聞樵採音轉覺山路窄蔓草悽蛩聲危
巖留虎跡旅懷鬱未平秋思亂如積蹊逕入松
蘿羣峯掩孤驛我友昔云邁停驂此憇息石壁
落雲烟無由冀良覲伊余救帚材秋深忝茲役

稅駕坐芳林聊因展瑤席陰陰雲迤寒隱隱日
沉夕伏枕憶同心空山未眠客

江上贈別金文峯北上

嫋嫋江風生陰陰江雨歇潮來有定期君歸何
時節雲影淡不流山色遠還滅相持一尊酒慰
此長途別

其二

遲遲戀飛旌蕭蕭悵行李揚舲肆離筵于焉送
遊子芳杜滿汀洲寒鳧下江沚贈君雙鳴璫平

生寸心爾

晚登平陽鳳山有作

崇山表峩峩縹緲羣峯外緣嵐躡層巔遙看海
門對興遠寄薄遊情愜符勝槩陽谷散綺霞陰
崖破蒼靄雲烟識性靈蘿薜牽衣帶平臨寰宇
濶俯視滄溟犬偶茲憇石門忽與山僧會有時
松風生萬壑發清籟雨餘山色佳月上林光碎
夷險雖異狀晦明有殊態陟嶽復降原篁筵逕轉
飛蓋匪爲肆窮探冀全山水愛倘逢採芝翁願

言謝流輩

夏日齋居卽事

首夏物始和端居恣游衍林木花已敷池荷葉
未展布穀啼空桑流鶯下崇峴雨餘竹韻清日
上巖光顯澄心扇自捐縱目簾初捲偶因謝簿
書兼得理墳典叨籍力不任冒榮分非淺感茲
華髮生滄洲若在眼神與元化并思將遺慮遣
守道情自愜處順顏無覩升沉嗟倚伏明晦嘆
尋轉性本戀烟蘿敢云輕軒冕

夏夜寓地壇道觀作

朱旂初應律赤芾屆方壇影落千年樹香飄五
夜檀玄膏佐仙鼎瑤草出雕欄步葉雲生履牽
花露拂冠星垂瓊宇澗月轉玉階寒飛靄薰蘭
蕙鳴簫引鳳鸞芝童調石髓羽客授金丹燕坐
心能寂高眠夢亦安汾陰良可賦寥廓見才難

徐公子西園十二韻

邸第通衢北仙源枕郭西經年厭塵市此日遂
攀躋窈窕穿霞洞透迤度水畦棋枰分別墅蓮

舫泊前溪疊石迎人立叢篁刺眼迷雕甍藏密
景綺澗挂晴霓酒載邀雲酌詩成借竹題香亭
含薜荔芳樹隱棠梨丹穴餘蝸蘚蒼苔印鹿蹄
衣沾飛絮雪屐惹落花泥金谷名堪並蘭亭興
與齊鳳臺織月轉不復問青藜
得謝茂秦書寄懷十二韻
聞訊梁園客違顏寄度秋詩真畢大曆名已動
中州世故多嬰慮身家不豫謀吟餘添白髮興
遠寄滄洲和璧逢清鑒隋珠豈暗投論交非許

史下榻盡應劉時序淹歸騎風塵戀敕裘冥搜
探禹穴慷慨覩吳鉤自薄千金產常輕萬戶侯
孤鴻棲北野雙鯉到東甌好我頻貽賦懷君獨
倚樓何時重載酒共入醉鄉遊

秋仲十四夜對月

玉笛聲初歇瑤臺影乍明桂枝凝露潤兔杵傍
雲清涼浸燕姬館光分漢戍營檠尊未敢問倚
杖獨含情

甘露寺

坐愛僧房僻烟霞識性靈江雲侵石碧法雨印
苔青鶴唳投孤嶼漁歌傍晚汀海門看漸近片
月出東溟

其二

透迤盤石磴瀟灑度珠林草帶南朝色雲橫北
固陰波光縈戶濕樹影落巖深清磬泠泠發方
窺靜者心

曉發龍潭道中

霓旌蕩烟靄星駕轉岩龕水落龍潭淺山連雉

堞遙林昏猶辨月江冷不聞潮漸覺鍾陵近淒

涼憶六朝

雨夜發同安抵池口既而見月湯賦

秋江雲乍斂入夜興偏嘉水濶星垂野天寒月

在沙遠山流赤燒曲浦斷清笳燕坐篷窗裏殘

燈半落花

春帶漸靈光

舟泊京口懷舊

駐節前年地揚舲此日心雲橫仄步杳潮落海
門深撫景添新興看山續舊吟巖城催鼓角江

柝晚沉沉

天柱峯

氣奪羣峯秀雄疑萬仞標根蟠來脉遠頂峻得
 雲饒翠黛春常滿靈光夜欲飄誰能回造化移
 向心紫宸朝赤熱曲肱澗清涼燕坐養宿稟
 煇玉夏日過真華觀
 花塢疑秦洞山房似葛廬非因避塵劫誰此問
 清虛雲水依壇靜松篁繞檻舒幽懷思借榻枕
 上覓方書

秋江晚望

萬里烟波屬上游海天風氣接高秋山連京口
 盤雲出潮轉江門帶月流鴻雁空傳南下字關
 河猶阻北來舟乘槎歲晚無消息落木蕭蕭浦
 渡頭
 寄答石川先生

寄答石川先生

江城曾謁水雲居千里瑤函重起予勳業行當
 卑五殺離騷漫許繼三閭舟通石浦常看雁門
 對清流詎少魚聞道山公薦中散年來休著絕

歷代詩選 明製性之 卷九

交書

立春日獻表朝見

燎火初張玉漏遙
璫函親捧覲天朝
掖垣曉月穿樓角
禁苑春光上柳條
趨陛欣逢周正朔
分曹重接漢官僚
微躬漸覺紅雲近
多少陽和在九霄
過邯鄲有作簡董近淮同年對南王字聞
千里塵沙一騎過
邯鄲城古動悲歌
呂翁祠畔蒼苔合
趙武臺邊芳草多
無復美人調錦瑟
空

聞俠客擁珞戈
漳河不共繁華沒
日暮東風起夕波

淮上逢董潯陽太史歸湖州賦此言別
金光罷草憶林廬
銀漢仙槎慰客居
淮海遙傳秦太史
臨邛爭接漢相如
隔溪花柳邀文藻
近水雲霞護簡書
明發湖南傷此別
滄江何處覓雙魚

雨花臺眺望有感

崇臺縹緲出雲孤
春日憑虛覽壯圖
江遠潯陽

宋七代詩選 月集卷九 三

歷代詩選 明龔性之 卷之三 七
遙辨楚山連京口半吞吳秦淮風土憐今昔王
謝豪華問有無回首長干傷往事六朝烟雨混
蘼蕪

水雲 送鄭少潭給舍之任長沙

刺史分符下楚城西風江上棹歌聲封章漫許
推劉向吏道還須待賈生帆挂三湘秋水濶旌
懸七澤曉烟橫漢家元重循良選紫閣應傳萬
石榮

除夜言懷

爐烟燭靄靜相兼綵勝椒花手自拈梅吐寒香
分玉砌竹搖清影上牙籤幽懷忽訝丁年近華
髮應憐子夜添獻罷春盤渾不寐霏微雪霰入
疎簾

春日過滁陽太僕諸公招遊醉翁豐樂諸
亭暨瑯琊山寺簡謝

羣峯迴合倚城西碧重烟濃路轉迷潭底雲深
龍乍伏林端雨過鳥新啼亭留六一山形秀寺
接瑯琊樹影低最愛巖花當澗落寧妨步履印

沙泥

訪蔣南泠隱居賦贈

君家淮海擅詞源逸氣翩翩道義存
種竹每分蔣翊逕著書常臥茂林園
日高花影朝侵案月轉潮聲夜到門
世事浮雲那可問客來惟有一開尊

曉發望大龍山

峭壁盤雲紫翠橫偶因行者識山名
鶴鳴漸覺巖光曙龍臥應知澗水清
合沓峯巒空色相霏

微烟雨未分明箇中定有王喬侶
為訪仙機學養生

登齊山次杜牧之韻

風急天高頰葉飛聲傳幽谷遠微微
雲清池口鴻初到霜冷江頭人未歸
騷雅當年懷杜牧登臨此日愧玄暉
探奇更欲攀蘿往轉覺烟嵐蕩客衣

留薑過錫山華補菴暨諸郎移舟遠餞賦贈留

林刻曾別共戰試一旅風塵會回鑿寶衣

秣陵曾憶共彈冠一別風塵會面難
竇老清芬留畫省謝家芳樹滿雕欄
分符愧我仍爲吏解後憐君已厭官
秋水驪歌情轉劇臨岐惟有勸加餐
日野之朝詩古更於琴藏於碑
姑蘇城外晚烟重忽漫高人水際逢
古驛乍停秋後舫寒山猶聽夜分
鐘思鱸真見吳張季剖竹虛疑漢
魯恭萍梗茫茫難逆料滄江何日更
相從

初至郡作

銅虎初分綰郡符專城千里試雄圖
身當簿領勞應劇地接滄溟典不孤
祇恐疎迷慙水鑑誰言節操似冰壺
公餘細簡循良傳渤海芳聲得似無

江心寺同侯二谷金文峯覽眺

秋風空憶故山薇忽向江心扣竹扉
雀啄荒苔隨砌落鳥迎寒雨逐船飛
酒邊狂客花傳草雲裏高僧珠繫衣
自古登臨多藻賦不知誰繼謝

玄暉

元夕夜遊集甌江宅得韶字

上元燈火扈寒飈月轉春城景自饒
裊裊芳塵連紫陌冥冥烟靄入丹霄
香飄羅綺思鸞馭曲引笙簧擬鳳韶
聞道星橋猶未鎖平津遊罷已分宵

秋日感懷

江城砧杵動高秋南雁不來長倚樓
戎馬猶聞胡塞急烽烟重繫海門憂
閒芟翠篠存碁局愁

折黃花對酒甌羈宦十年歸未得
幾回清夢繞滄洲

過護國寺

瓊樓遙接萬峯陰絕壁香臺路轉深
烟靄連雲迷上界鐘聲和梵出空林
庭留老樹傳僧臘案有殘經定客心
不爲逃禪叅法象聊依慧境散幽襟

早春對酒漫成
海畔陽和動彩毫酒傾春色泛葡萄
艱虞世態

歷代詩選 賦類卷之十一
驚雙眼在華年華感二毛多病幾耽南土藥遺
榮思剪北山蒿東風漫助琴尊興不學揚雲賦
反騷

送張光祿甌江赴留都任

挂席東南下建康
渚花江樹引離觴
清標自許如潘岳
雄藻人疑是謝莊
潮落錢塘魚信杳
雲橫瓜步雁聲長
秣陵多少金閨彥
應識當年粉署郎

送樊斗山臺長北上

柱史聲華迥自如
奚囊再整舊箝裾
三秋仗劍辭鄉國
萬里鳴驄侍禁廬
飛旆漫牽吳甸柳
行厨先薦越江魚
東南烽火頻年甚
應爲蒼生一

上書

臺竹

朗葉疎枝倚栢臺
幽懷長對此君開
晚風忽動蕭蕭影
疑有仙人擬佩來

附謝東山

字少安

人與龔秉德

過靈寶孫槐窓大尹惠紫石硯二口號奉

謝兼呈默齋丈號田兄

我行桃林野絃歌連比屋借問茂宰誰太山孫
 明復山靈見奇寶秀色光可掬持贈遠行人價
 重荆山璞清商激龍尾黃金炫鴈目激灑浮隄
 糜一泓幾經宿高麗何足言雕鏤空碌碌百里
 聚賢人久應太史卜剩寫白雲篇不惜毛穎秃
 因君奏明光散作蒼生福

書呂令風木卷

狂飈殷地發高樹拂枝低却怪遠遊客思親行

路迷重茵季路歎把劔臯魚啼我亦慙爲子含
 毫不忍題

八月十日夜同霽寰飲楓潭清和軒有作

北斗連南極三呼撼九霄臣心金鑑錄客夢紫
 宸朝人物東南美君恩海嶽遙清歌中夜發
 彷彿似聞韶

其二

領客秋軒敞知君宦况舒把盃今夜月高枕舊
 吾廬世計談蕉鹿文書辨魯魚他年傳故事穹

石在東隅

寒夜齋居偶觀晏子春秋有感作

茗椀薰爐夜氣清
端居猶自念平生
宦情一笑齊門瑟
文字千秋晏子楹
東海綸竿波浩蕩
西山薇蕨歲崢嶸
侍臣舉火今誰事
落盡寒燈夢不成

送鎮山朱公高弟鄭德卿還閩中兼懷劉

帶川王龍阜二兄丈

一聲燕雁向南溟
送爾踟躕歷下亭
萬里尋師

同聘魯三年作客伴
趨庭捷書海上烽
烟紫綵服花前酒
竿青臺省故人如
問訊道予相憶感
晨星

周太霞北來始悉开菴翁盖棺事且悲且

慰詩以紀之

金馬碧雞吟未歇
風輪泡影思何玄
秋空鶴馭華陽國
夜月神遊洱海船

石倉十二代詩選

四集卷九十二 終

石倉十二代詩選

四集卷六十二

華英西苑詩集卷六十二

金鼎燄燄今未熄風鱗欲得思何之

不或風太露此來世悉开

景星

景星

同想碧三

同想碧三

石倉十二代詩選

四集卷九十三

青霞集

大明

後學曹學佺閱

涉世寡所諧雅志在丘壑投簪歸青山守拙甘

寂寞稍擬漢陰釣還尋鹿門樂當春理東畝及

秋事躬穫暇日呼友朋烟蘿成野酌巨觥交勸

酬清謳閒諧謔忘形容壤間矯首同飛躍黃鵠

摩青霄陋彼燕與雀永結遊遙遊已矣謝羈縛

摩青霄陋彼燕與雀永結遊遙遊已矣謝羈縛

宿湖南淨寺

攬勝投名山信迹遵玄境與隨覺路遙心與空
門靜雲樹澹蕭疎水月相輝映天寒夕梵微木
落霜鐘應倦鳥下松林歸僧掩蘿徑景眺遐想
舒物討幽懷罄揮琴鶴共娛講法龍爭聽祗樹
鳴山風雨花落湖鏡於焉結芳社聊以祛塵病
睠此碧巖棲因之定吾性

遊東林寺度虎溪橋竟諸峯登覽止宿遠

公房

飛甍敞雲際朝攀鬱玲瓏瀑泉噴石瀨驚飈回
遠空嵐光隱雙樹霽色澄千峯湛湛竹間露泠
泠松下風白蓮尋舊社紫閣聽鳴鐘入谷窺鶴
室穿林步虎蹤玄覽八極隘達觀萬化從神陶
願自協慮澹道彌通留憇空壇夕焚香懷遠公
習習條風生吹我嘉樹林嘉樹何菁葱上有諧
鳴禽嚶嚶願求友惻惻傷我心單居慕儔侶契
濶若飛沉良晨渺難借會晤邈無因珉玖貴龔

歷代詩選 明李作甫 二
破百煉成兼金麗澤苟無從虛此年歲侵已矣
伯生嘆千載有遺音

雲間留別諸同志

祇役出郊圻怒焉傷離抱焉知懷苦辛念我同
心好相携未洽旬睽違一何早人生聚散期宛
如浮萍草忽復因風會源史各遠道征車何彭
彭綠楊何裊裊春氣正鬱葱况茲開關烏川塗
限南北恒慮音徽少共勉令德圖崇脩以爲寶

彭城道中

秣馬肅徒侶
越郊邑林莽何蕭條颯颯陰
風集云是古戰場殺氣餘慘惻伊昔楚漢交兩
雄正相厄亘野捲旌麾摩空耀戈戟朱火赫以
飛白龍自莽匿恃力亦何爲闔智終靡益英雄
等物化勞勞竟陳迹空嗟耕隴間黃沙亂白骨

三民情詩

曖曖雲間月圓缺自有時翩翩梁上燕猶傍故
巢歸如何遠遊子去去無返期別時春葩芳今
見秋葉飛洞房夜淒其寂歷生塵絲流螢入孤

幔蟋蟀鳴坐隅精誠感宵夢會晤空斯須寧作
清流源不作濁水泥冰雪諒自保茲懷君詎知
劉劉姑蘇曲園地自其祖祖祖梁土燕曾
三月三江口垂楊復垂柳朝看燕引雛暮聽鶯
求友此時花鳥競妖妍此際風光正可憐錦轡
分飛爭道路朱輪合沓出郊廛千門簫管聲如
沸公子豪華多意氣雕戟雲凝故相家玉闌花
拂將軍第春風製紫絨劔佩拂猩紅暫醉專諸
宅還宿館娃宮館娃宮裏飛花滿姑蘇臺上游

絲軟吳姬二八笑當壚能向春風歌宛轉宛轉
歌正微朱顏世復稀分明不是陽臺路只愁化
作彩雲飛

贈王郎暮暮山報日事歲歲豈映對於同
王郎膽氣欲吞海縱酒高陽三十載千金不惜
贈荆卿雙壁持將結朱亥去年烽火警榆州慷
慨辭家赴遠遊倒捲黃沙擒羯虜輕飛白羽落
旄頭縱橫豪氣誰能惜百戰功高不收籍貂裘
救盡還復來却向秦樓夜吹笛我勸王郎休嘆

嗟應知人世有張華吳鈞本是連城價莫使光
芒蝕土華

贈梁山人歸羅浮山

昔在羅浮兩石樓逢君身着紫雲裘憑虛共對
烟霞酌握手相期訪十洲一從歸臥丹丘裏星
霜幾度更寒暑碧山昨日事遨遊豈知復值同
心侶見說青霞舊洞天藥欄丹井尚依然稚川
遙寄殮芝訣鮑靚兼傳紫誥篇君今東向羅浮
去乘空直上飛雲住爲報蒲仙桂父翁待予共

采三花樹

若耶溪泛舟

溪頭碧樹掛晴霞一帶溪流映落花渺渺
隨流去蕩漾春光未有涯沿溪錯雜莓苔色尚
有西施浣紗石溪邊兒女踏歌來坐見莓苔空
嘆息泛泛蘭橈得自由少年春日恣遨遊鸞簫
鳳笛遙相和共倒金樽醉不休此時風物真堪
羨過眼韶光疾於電明朝携酒擬重來莫遣楊
花亂如霰

遊錢塘紫陽宮

桂宇開三島蘭宮列九仙雲霞塵外境日月洞
中天寒溜披澄練晴峯擁碧蓮欄虹朝散綺松
吹夜鳴絃藥圃芝凝露丹田玉吐烟函關牛度
日華表鶴歸年未授黃庭訣先叅紫氣篇杯將
金液泛鼎以寶香燃身陟凡區表心游太古先
靜探玄妙理茲意竟誰傳

秋日遊道場山伏虎寺酬信上人

伏虎何年寺間來偶一登乍隨欹徑入還向曲

闌凭山晚烟光澹天寒水氣澄斜陽雙去鳥野
渡一歸僧馴鴿棲低樹清猿嘯古藤飛樓風外
笛孤塔月中燈已悟西來意因叅最上乘欣陪
支遁語聊此滌塵膺

別吳山人

客中仍送客離思渺難任岐路一尊酒故人千
里心歸雲衝落雁寒角亂秋砧湖海風塵裏前
期何處尋

送友人之夷陵

搖落楚山頭，嗟君歲晏遊。
相看岐路別，翻動異鄉愁。
雁影湘江月，猿聲巫峽秋。
仲宣懷古地，乘興好登樓。

宿歸雲庵贈敬上人

烟蘿小徑通，六室掛雲中。
樹影暗浮水，秋聲半在空。
疎鐘山際月，孤榻竹邊風。
竟夜渾無寐，清談對遠公。

喜劉德夫携姪用明入社

千載山陽會，竹林今復開。
步兵偏愛客，自領阿咸來。
石上題詩去，花邊載酒回。
嵇生雖好懶，猶得數追陪。

王許巖居僧

一鉢寄巖石，塵喧迥不聞。
小厨分澗水，短榻臥松雲。
衣借枯藤補，香收野葍焚。
晚來趺坐處，猿鶴自爲羣。

客堂夜坐

獨對蕪城菊，凝寒未著花。
幾回驚歲暮，猶自客天涯。
月下砧聲急，風前雁影斜。
歸心將別夢，日

夜不離家

送張少府之天台

君才堪吏隱佐牧近青山經歲逢迎少終朝案

牘閒鳥鳴官樹裏草長訟庭間豈學南昌尉尋

仙去不還

聽張使君美人彈琴

玉指理瑤琴含情不自任一彈一惆悵豈是爲

知音夜靜月在水秋高風滿林相如方燕好漫

奏白頭吟

懷徐伯臣宋子明王亮卿宣尹則諸君

不見故人書故人情轉疎相看一別後今已十

年餘水國寒雲渺山窗夜月虛可堪秋欲半落

葉遍庭除

吳淞晚行

驛路晚悠悠行人促去舟鄉心懸落雁客夢入

新秋澤氣蒸雲起江聲帶雨流松陵看欲近沾

酒慰離憂

遊靈隱寺

清楚落諸天香臺覆紫烟飛蘿懸曲徑亂石漱
寒泉象座金蓮古龍潭寶月圓三生緣已解隨
地可棲禪
詞流多逸興命酌過山堂野水秋逾淨林花寒
更香共知閒裏適寧記醉中狂萬事浮雲外當
歌且盡觴

觀天目山瀑布

誰將千尺練掛向碧峯頭晴洒長空雨寒生六

月秋寒風銀浪湧閃日雪花浮不作涓涓水陰
崖秣暗流

刻車奉和李奉常天壇候駕卽事

紫垣烟柳晝陰陰花滿仙壇春正深風外時聞
瓊珮響雲端遙望翠華臨龍盤瑞氣開行殿鶯
轉清歌出上林江海微臣亦何幸叨陪鴛鴦列
朝簪

石亭館與友人夜坐

客裏逢君屬暮秋別情歸思共悠悠燈前細雨

催黃葉海內知心半白頭
露氣暗浮冰簟冷蛩聲
偏助草堂幽欲期後會
應難定且對清尊一
暫留

憶昔士林玉樹凋
幸四
一別蒿萊奉紫宸
金門通籍寵光新
清宵曳履趨仙闕
薄暮鳴珂出禁闈
萬戶笙歌連落日
五陵車馬動飛塵
江湖此際瞻依切
清夢猶馳漢苑春

其二

憶昔吳門秋可憐
澹烟疎柳夕陽天
青山易得芳時樂
白雪難逢寡和篇
茂苑舊遊孤月外
橫塘新曲晚風前
只今臥病雲山隔
野水蘆花一釣船

其三

木落天空溽氣收
微茫烟渚隔沙丘
寒催砧杵千家月
霜到關河幾樹秋
聲斷塞雲聞雁過
光侵池草見螢流
感時王粲心徒切
獨倚荆南萬里樓

贈陸郎中歸隱林屋

石林幽徑遠人羣清隱于今獨有君暑去未消
岩下雪風來猶帶澗邊雲半窗月色留僧話一
徑松陰共鶴分遙想北山著書處他年應不愧
移文具三

西苑卽事

沉沉晝漏不聞喧緩步聽鶯出禁垣風送飛花
來上苑烟含細草遶長門日邊鳳闕攢雲氣柳
外龍池積雨痕消路金貂賓從適應傳許史共

承恩

巫山雲

十二峯頭映晚暉非烟非霧轉霏微因風吹入
襄王夢帶雨亂飄神女衣野樹影中寒不散啼
猿聲裏濕還飛不知秋去天如洗萬里悠悠何
處歸

酬陳鳴野見寄

千里勞君問索居江空歲晚獨愁予祗緣嶺外
俱回雁莫道天涯少寄書草徑秋深吟蟋蟀石

池霜冷落芙蓉關河迢遞風塵隔兩地同看月
色虛

送徐子明書記赴邊

赤塞塵沙迥未平多君意氣喜論兵已經楚上
三年別還作雲中萬里行霧雪射鵬青海岸秋
風走馬白狼城卽隨驃騎承恩澤猶勝芸窗老
此生

匡山弔古

風吹錦艦覆江濱回首神京半已塵蘇武豈能

臣羯虜仲連寧肯帝嬴秦天邊星殞妖先見海
上龍興讖未真父老只今猶抱恨每逢寒食薦
芳蘋

贈丁戊山人還閩中

海內名山已遍遊西風歸臥幔亭秋有時見月
頻呼酒盡日看雲獨倚樓採藥不辭松徑遠題
詩偏愛石巖幽拂衣我欲從君去九曲溪邊坐
釣舟

亂後書懷

頻年烽火徧郊墟到處逢人問卜居荒後田園
渾是累亂來親友漸交疎銷憂獨憶中山酒閉
戶惟看鄴架書徑草蕭蕭秋雨外文園空復臥
相如

夏日同姚子玉費子文遊雲居寺

蒼烟白石滿空山野寺深藏亂竹間遊客謾隨
清磬入老僧長對落花閒潭邊宿雨從龍去樹
底殘雲伴鶴還盡日臨流恣幽賞披襟坐遍石
苔斑

三杯小浮丘閒居

門巷春深晝不開堦前蝸跡雜苔斑鄰沽任可
長留客市隱何須更買山有興獨尋芳草去無
機惟愛白雲閒坐臨磐石看流水日暮空隨倦
鳥還

贈上高葉廣文

憐君十載論文地嶽麓匡山共結鄰官樹鳥啼
飛絮雨講壇烟鎖落花春諸生重道元推魯博
士專經共劇秦獨坐寒氊對清晝身閒且莫厭

官貧

借姚唯之宿甘露寺

城頭山勢隱樓臺千古禪宮向水開
帆帶暮雲歸海去風吹明月過江來
幾宵清話分僧榻一片閒情付酒杯
世事悠悠君莫問寒潮東下幾時回

九日客淮上有懷朱箴

返棹東吳未有期風塵湖海尚驅馳
黃花已負三秋興明月空懸千里思
露冷袁郎江口樹雲

深漂毋驛邊祠夜闌一曲西樓笛何處
征人怨別離

秋夜與子伯話舊

石榻留君坐夜清蕭蕭秋意動霜林
西風隔水誰家笛明月滿庭何處砧
燈下一尊黃菊酒天涯十載故人心
別來知抱憂時念握手驚看雪滿簪

隱居

隱居何必向山林松徑行歌散素襟
門外蒼苔

來客少雨中啼鳥落花深談玄喜就高僧坐對
酒長呼孺子吟身似閒雲隨所適悠悠出入本
無心

經易州界

塞北時聞鐵馬嘶薊門霜柳漸淒淒天邊野燒
連烽火城下寒砧雜鼓聲陰積草荒狐隊出平
原風急雁行低尊前不見悲歌客易水東流何
日西

春曉

枕上雨初歇庭前花亂開春風在高樹啼鳥去
還來

日快少年行水長難期
鬪雞金作距戲馬玉爲鞭薄暮誰歸宿青樓犬
道邊

三韓送朝卿司馬還蜀

相如仗節茂陵歸春日春花照客衣萬里巴江
天際落蒲帆一片去如飛

高對廣陵與孟十七酌

高樓花撲玉缸香
愛客吳姬歌興長
沉醉不知君別去
醒來猶臥酒壚傍

三輔頻年說募兵
黃龍羯虜幾時平
兒童月下吹蘆管
半是秋風塞上聲

日射紅粧映水光
踏歌蕩槳過秋塘
蓮衣落盡蓮房老
猶有西風吹葉香

逢君忽復送君行
客路悠悠江海情
且盡殷勤花下酒
由來醉裏別離輕

秋懷

葉落吳門一夜霜
悠悠離思海天長
殊方不爲無知己
自是人心戀故鄉

路入天門眇九州
三山隱約海東頭
此身迥在雲霄上
俯視黃河一線流

明堂最上接天池封禪靈墟迹尚遺漢碣半留
千古字秦松高掩萬年枝

其三

日觀平臨滄海東天雞啼處夜方申遙看金暈
扶桑起照見峯頭萬樹紅

附范惟一

字于中華亭人與李儒甫同辛丑進士有中方集

將赴東藩吳山人既贈以詩復送至吳門

留旬日而別賦贈

相對一尊酒悠然千里心孤芳縱在托遠別故

難任帆引飛雲渺林迴積靄深予懷同皦日君

聽北鴻音

蘇女遊涌泉寺

秋郊聊命駕乘興過東林坐見峯巒轉彌傷洞

壑深竹氛輕染袂潭影澹澄心寥落諸天外蕭

蕭清梵音

與客池上納涼

林端起明月下映芙蓉池携客來遊暑清風爲

解頤荷香空裏發雲氣望中疑不必河梁上脩

歷代詩選 賦得涉江采芙蓉
然興渺瀰空集發雲角聖中與不心所樂王
賦得涉江采芙蓉
江水晚含清芙蓉照水明相携涉江去同作看

花行采采未成握盈盈如有盟片雲天際沒遙
睇不勝情
趙女倚新粧含顰緩上堂徘徊猶按瑟顧盼轉
生光初調陵宮徵流徽引鳳凰停絃且莫竟只
恐斷人腸

青巖白雲臨酒

偶托杯中物言尋物外緣流雲亦何意冉冉到
尊前浮白堪中聖含輝總近玄悠然會心處非
是故留連

和贈董紫岡亂後移居城南江

江左稱才子人皆屬董生偶隨玄豹隱非戀白
鷗盟避亂空懷寶移居違請纓吾憐骯髒意兼
惜滯留情

宿尉氏

晝臨洧川水暮宿尉繚城歸鳥投林暝空庭待
月明風吹衣帶緩露入酒杯清坐久意彌適悠
然忘旅情

途中雨作

軒騎曉衝泥溪流急滾西山含積雨暗樹亞濕
雲低客思兼愁發鄉關逐望迷何當謝塵鞅歸

養雲中雞

送吳寤齋給諫使琉球

青瑣方當入洛年皇華先賦遠遊篇誰言馬史

窮南北還與張騫作後先寶籙天邊傳琬琰官
儀海外仰神仙懸知來徃多延攬徧承風謠達
御前

送皇甫百泉持憲之滇南

廿年誦賦重交期此日星輶動別離節使遠馳
黃鶴嶺瘴雲初散碧雞祠雕戈按野空蠻落繡
服行春肅漢儀言念故鄉塵未息願將長缺報

相思

和龔給事端門待漏

夕郎趨曉謁明光銅史猶傳玉漏長初雜鳴珂
開羽衛旋和鈞樂下巖廊星迴南斗宵氛散日
轉東皇曙色蒼未說珥貂仙仗盛還憐簪筆滿
朝陽
廿八 宴聖水禪寺和董學士韻
淨居誰結遠公緣聖水巖扃自昔年避暑聊爲
河朔飲入林如解沃洲禪已非抱壁燃青桂不
用攢眉向白蓮却憶玉皇香案吏高情曾寄紫
芝篇

曉起見烏龍山上白雲飛口占

昔聞輪囷出蒼梧今見飄搖定白榆却憶堯年
沉璧處非閑寶鼎吐汾湖

其二

翩翩出袖本無心杳靄橫空結影深映日漸看
成五色隨風還欲潤千成

石倉十二代詩選

四集卷九十三終

不令...

四集卷之三

...

臨臨山脈本無...

淨居其二...

武選...

...

...

石倉十二代詩選

四集卷之九十四

補菴集

大明

無錫華雲著

後學曹學佺閱

遊佛窟寺

平生愛名山夢竟常到此不覺淹世故寒暑催
年矢飛蓬本多違乘輿每中止城中登高丘引
領望不已暮羨白雲歸朝羨白雲起遐曠契彌
敦栖栖隔烟市清晨攬轡出獨愛風日美羣峯
霽景鮮去去行人喜入寺珠林閒舊遊恍疑似

秀色結中天竹閣涼如水茗酌臨清風巖光照
廳几

題畫巫門夜雨

長空望不極寂寂滄浪浦隔嶺暮猿啼帆落巫
門雨秋色遠連天風激蛟龍舞少焉波浪平高
歌醉漁父

荆溪舟次寄川太史

林臥殘暑微秋高葉未下荆南突千峯鬱鬱若
相迓對之懷故人徘徊不能舍倘獲接寤言願

以中懷寫白雲何悠悠輕翼安所假愆期徒詠
思水木澹雲野

疏請改南

命下志喜

玉樹垂垂滿鳳城凌晨踏雪候承明留臺吏隱
叨私便聖主恩光荷曲成報國有心空病骨
守官無補只虛名朝暎冉冉連鄉路別去難忘
是帝京

池河驛逢張秋官晉野對酌聽雨感懷
邂逅東風喜復驚天教簪盍夜堂清持杯古驛

逢今雨攬轡西臺有夙盟世變閱多交更苦年
來慮淡物皆輕吟成歌罷添華髮肯作悠悠水

上萍帝京

過真州訪蔣南泠叅伯不值

望望休園何渺茫遠來題字意難忘江頭新柳
初堪折谷口梅花猶自香速去但知鄉夢切偶
違猶恃淡交長乘春好赴吳門約莫負鶯花水
竹鄉

胡樂山茅鹿門陶新岑張三洲四司馬携

酌過萬松菴

高齋聞雁立多時玉勒翩翩慰所思晚就官聯
疑去早長留竹院轉歸遲加餐遠餉秋將暮洗
酸更酬日易低儘聽行歌了餘興寺門黃葉已
垂垂

次韻答皇甫百泉長干見寄

鐘梵悠悠寶地連林光不隔豔陽天掩關獨抱
叅軍病開徑誰談上乘禪幽榻野雲涵翠竹虛
牕孤月照青蓮行吟倚遍闌干曲猶自焚香石

殿前

天界山房積雪盈尺童子疊爲五峯每峯

下作一塔燃燭其中與僧錄理公共賞

之忽憶唐荆川冰燈詩用韻賦詠

空門積雪滿空壇戲作層峯傍曲闌
璠島巧依蓮宇淨瑤華清映佛燈寒
幻同蜃市連雲起疑向珠宮帶月看
一笑冰山何足問開尊聊盡野人歡

除夕

夕陽冉冉下重闔野客悠悠白髮新
無意殘燈猶戀歲應憐舊曆已辭人
山中星影回清漢雪後梅花待早春
湯把瑤觴對開士不知誰是異鄉身

答何吉考功

東風入戶語流鶯蘿薜陰陰色界清
虛谷停雲連夜夢春城載酒故人情
園梅半白如迎客堤柳含青欲送行
只是好懷忘不得對君眉宇道心生

瓶梅

正問寒梅放幾分隔墻分我十分春坐令石榻
生詩興相對蒲團憶故人玉笛多情吹未落鄉
愁如許爲誰新故園籬落春雲外寂寞疎枝野
水濱

三月三日邀諸鄉老觀玉蘭花

郊居脩禊倍成歡百尺高花出畫闌比德已如
觀佩玉援琴行欲賦倚蘭垂垂映日光風轉皜
皜凌霞香氣寒燈下閒吟倚餘醉滿簾飛雪夜

湯湯

中元對月賦贈總督裁菴楊公

乍聞專閫出留都先有軍聲到海隅建業行麾
雲共遠中元清嘯月同孤昔年品士曾無射今
日籌兵半在吳東望遙天倚長劍何人馬上說
陰符

寇退後還家酌秋花下

手種幽花有幾叢秋深還喜一尊同向時悵望
重城外何處蕭疎細雨中八月芬香清戶牖三

年萍梗恨西東鹿門風物翛然處抱膝長吟興
不窮

送萬履菴貴州督學

西南夜夜使星橫 玉璽遙看萬里行祗役未
應嫌道遠勝遊方覺與秋深衡陽雁阻書難達
溪洞雲深夢不驚從此天涯光景別坐令荒徼
盡文明

附 萬士和

字思節宜興人與華雲同辛丑進士有履菴集

長歌行送鮑鏡石少參致政

君不見獵夫操弓入虎穴力扼虎吻摩其鬚又
不見波人沒水到海底遭龍眠睡探龍珠吁嗟
利孔禍所伏決手一搏拚身軀世途無處無險
阻浮沉蒼狗成須臾臨安高士漢朝吏積薪頗
類汲黯迂飛鳧分署十年事走魯遊滇萬里車
既不能策足登要路津又不能局促作轅下駒
羞曳侯門履寧吹齊國竽人間富貴只如此拂
袖辭榮學兩疏一朝上書乞骸骨 天子賜告
還鄉間自言四肢縛如解臂鷹脫鞵從翼初破

除煩惱風塵外收拾精神俯仰餘山可採溪可
漁六橋烟月浩無際短褐黃冠稱野夫
盡史送玉成沈僉憲還吳八閩富貴只成悲
畏途誰許爾忘機懶性應知與衆違白日卷舒
吾自定浮雲翻覆世難依楚鄉七澤旋驄馬吳
苑三江狎釣磯秫秠未收陶令去蓴鱸初出季
鷹歸搏空擊鳥方舒翼縱轡名駒不受鞿詩酒
放教塵跡遠圖書奪得宦情微于公折獄家還
大子產爲邦國始譏東海游鷗看獨運南山藏
豹更增輝栖遲未許終衡宇寵澤仍將照繡衣
籍繫朝廷占姓字席前宣室遲音徽余生敢謂
三冬足客路長驅四牡駢廿載舊交重聚首一
官同地復分飛提携絕塞勞相伴談笑清宵數
解圍蠻觸有爭皆是累穀臧多枝總成非可憐
衰朽垂垂老暗想光陰冉冉稀天道人心俱若
此不如林下掩柴扉

此尚沅州夜雨

寂寂燈無影蕭蕭雨作聲氣蒸蠻國候客臥夜

郎城風急春將盡更迴夢亦清遠臣何所繫南
北尚論兵

沅州獨坐

獨坐元無物多思爲有身遠游非壯歲回首是
殘春案牘勞仍積衣冠夢亦嗔小軒無一語沅
芷正懷人

同梧桐憲長游萊仙洞因次其韻

洞門高隱一峯巔開鑿誰知混沌年吟嘯他時
留有跡色空斯際澹無緣白翻石壁龍蛇掛陰

覆烟蘿虎豹穿最喜同遊逢吏隱常尋方外伴

神仙

吏嘗發六廣渡

蒲路侏儻擁我前語音還藉舊人傳王明有法
驅羅鬼衣白何方碎瘴烟啼鳥豈知傷遠客飛
雲只解送流年臨河疑是江南景壁石磷磷上
小船

烏撒道中

地當高處峯隨轉雲到窮時路更賒夏半火刀

歷代詩選
方佈種夜來牛馬不歸家瘴烟寒鎖蠻村樹嵐
霧晴迷客子槎干羽未能馴鬼國祗貪關市競
鹽茶

龍塲謁陽明祠讀祭田碑次羅太史壁間

先生何事到蠻村踪跡天留萬古存聽法有人
夷豈陋登堂無物我憑軒頑軀已恨生時晚遺
像還疑卽處温若道傳心真不易新碑猶自落
空言

同悟剛陳憲長訪馬心菴道人不遇
一榻蕭然歲月深玄言未扣已叅心豈知物外
千年事却在城南十畝陰屋後高山原淨體門
前流水是潮音我來值爾穿雲去悵望仙踪不
可尋

其二

學道從前不戀形哀軀頗受二毛侵還將世上
忘機伴來扣松前定者心身帶白雲常滿室手
栽瑤草已成林蒲團作活終非計欲問玄關試

歷代詩選

明萬思節

九

此尋

贈石南溪總兵

身繫安危鎮一方，姓名四十徧南荒。
擁麾早作登壇將，選騎時趨較獵場。
推食撫苗成愛子，散金買士每傾囊。
長思搗穴收功處，龍劍霜寒夜有光。

重訪馬心菴精舍

煩君應接莫辭頻，落落乾坤共兩身。
溪鳥浴波時正午，山雲讓日氣將春。
坐同淨几因忘我行

到深林更少人，對景欣然非着相。
從來蕭散本吾真。

贈近衛戶部

太學交游遍四方，歸來鄉國故情長。
虞卿棄相元稱狹，魯黜能言本是狂。
年值知非傷往日，姓曾驚座憶爲郎。
雄心苦覺常飛動，暗路投人惜夜光。

送寅長石岡憲副入賀 萬壽聖節

採木經春宿嶺巔，入朝猶帶瘴鄉烟。
且懽

歷代詩選 明萬曆節 十
帝德天齊壽同是王臣爾獨賢暫到玉堦恩自
重一辭金闕意常懸我懷芹曝無由獻願逐仙
旌到日邊

麻哈州訪張鶴樓有贈

緘素頻將意未忘見來眉宇更清揚一封排闥
稱狂士數口携家住瘴鄉壯志已看爭日月芳
心翻得試冰霜餘生尚荷 君王賜暹夜常瞻
北斗光

三峽重關別張鶴樓

誰道儒生坐自拘匡時三疏直臣俱關山有夢
悲妻子薪水無人病僕夫萬里敢辭勞遠戍千
金好爲惜殘軀聞君一語聊堪慰樂地隨身是
坦途

平越同馬心菴登高真觀閣復至西城外

覽眺

望遠幸逢同志共憑虛却笑一身浮雲光深淺
夕陽澹山色高低落葉稠試解征衣盤白石偶
無閒事對清流聽君指點封侯塚聞說仙人向

此游

臘盡寄士立弟

報汝平安憶汝初少時傍我讀遺書心窺文史
身多病跡謝功名貌若愚鴻雁昔時思棣萼馬
牛今齒近桑榆可嗤去住雙蓬鬢佳節年年滯
遠途

堯源道中

使車終日擁塵埃若箇秦人避地來江水自流
容客往堯花依舊向春開天心代謝從前畫人

世榮枯逝劫灰十載浮沉今在足肯因迷路復
疑猜

懷化閱軍儲簿

何年師旅事徂征翻使三苗久未平十萬餉軍
頻歲費八千戍卒按時更烽烟相望窺夷落刀
弩分屯用土兵何日恩威還舊約牙旗高捲看
春耕

鐘鼓洞次陽明先生韻

鐘鼓多因好事名石懸空谷本無聲山從闕闕

傳來古人按宮商樂自成夢裏釣天千古奏眼
前流水一時更江湖滿地皆行役誰爲勞民寫
不平

寄陳梧岡方伯

桂水湘江尚合流與君茲地隔同游淹留南服
移芳歲零落春光起暮愁無處長吟非戀越有
時作賦亦登樓寄語兵荒連故里烟花不是舊
揚州

寄題越順齋大尹待月樓

樓成背郭面溪流明月樓頭共水浮解綬自將
塵世隔乘槎疑向上方游幾番瘦影三更夢一
片清光萬里秋寄語元龍須待客同君百尺臥
銷愁

自沅還辰

經時行役復迴車楊柳陰陰轉夏初野屋編茅
聊避雨田家趁水暗通渠詩成彷彿江山助老
至蹉跎歲月虛千自塵緣淹簿領行囊長日鎖
圖書

歷代詩選
明書
庚申除夕

燕國乞身書未報
楚鄉棲跡歲還除
年分淺漏隨燈盡
時逼紅顏與日疎
陶冶鑄形陰老我
茶蘇先少任從渠
椒花遙憶同兄弟
茅屋南山舊隱居

石倉十二代詩選

四集卷九十四終

石倉十二代詩選

四集卷九十五

居庸稿

大明

長洲顧存仁著

後學曹學佺閱

居庸篇

天下有九塞自昔稱居庸
燕雲負要害鎖鑰蓬萊宮
兩崖天作塹一水中溶溶
五丁開貢域雙駟不能容
延袤四十里草木鉅為鋒
登高望八達八荒盪雲霄
仙枕欹明月琴峽奏清風
湯峪噴瓊玉翠壁削芙蓉
遼海波千疊太行雲萬重

銀河低北斗長樂隱晨鐘憶昔已巳歲犬羊忽
乘墉大明屬昌運劔閣齊天功以茲拱皇極
萬國正堯封五陵鬱佳氣億載闕鴻濛我來採
薇蕨白日偃義農逢人詢往事德險還誰從
成皇北駐蹕立馬何豪雄嗽玉泉猶在屹然萬
世宗

出塞

朔風吹玄雲慘慘澹無色遊子出門去迢迢赴
漠北飲馬乘乾河談笑誓許國狐兔奚足殲燕
然詎堪勒丈夫志封侯焉能守丘域歸來報
天子論賞叙功格

其二

上谷古雄鎮樹羽藩 皇都征夫挾長技千里
擁軍符爰懷李將軍饗士日歌呼牛羊富燕趙
粳稻來全吳技癢思鳴鏑伏櫪差駘駘慷慨卽
長路一戰縛匈奴

土木篇

上木屯猶在龍旂迷故邨野花茸茸發空役杜

鵬魂谿山浮落日鷄嶺慘踈塚時無于尚書周
轍幾南奔三輔鎮宣大金湯雄北門而胡失飛
將屈此萬乘尊我來泣蘇李北海今何存乾坤
疲戰伐長懷斬烏孫何當挽天河一洗胡塵昏
滔滔看流水茲意將誰論

春日言懷

春雨洗煩冤窗前草新茁開門見南山疾風高
岡裂忽來雙飛鴻哀哀向我說所思人不見金
樽曠華月凌風欲從之羽翼先摧折夙予秉幽

尚援筆難具述

小亭獨坐

山色霽南郊獨企陶窗下兀坐空我心披襟不
能捨試擬羲皇人攬衣步中埜夕陽下西麓踈
枝雨潛灑微吟遲月來浩歌泊盈把悠悠抱獨
愁我亦何爲者

舟發瞿塘

瞿塘灑灑天設雄仙舟五月浮碧空千里夷陵
祇一日萬里百折寧回東江山白帝空祠宇薄

暮荒臺幾雲雨擊楫狂歌壯禹功臨岐却詫王
陽馭

滕王閣晚眺

傑構壓名藩芳洲古帝原涼飈生楚澤孤雁落
吳門倚檻雲飛閣鉤簾月在尊登高宜有賦寂
寞露華繁

北關道中

溪柳迎車弱巖花拂袖輕萍身忘節候蘆管送
邊聲日出翠微潤風恬黃鳥鳴乾坤餘八達萬

古控神京

宣城午日

絕塞山如戟孤城花獨明柳風搖羽扇梅雨坐
愁鶯作賦憐王粲沉沙想屈平隨時焚艾虎小
酌看雲生

隆山道中懷錦屏山次韻

驅車覽勝數褰帷逸興時能一振衣楓落寒江
千佛現雲移絕壁萬山飛忽披華閣丹青上背
指孤鴻落日西回首閭中宮闕麗不勝惆悵夜

猿啼

歲杪薄暮得家報

吏散空庭薄靄侵
偶逢驛使亂鄉心
梅開怕問吳門月
日出偏愁杜宇音
驥子隔春空涕淚
鵠原飛雪自江濤
憑虛謾送歸鴻遠
天際孤雲入暮陰

歲夜同楊比部郟城宴集

孤矢長驅短髮生
琴書隨處一肩行
盍簪喧馬皇華夕
別館聞歌故國情
驛路正當梅乍發
雲

天忽聽雁初聲
詰朝擬辨朝元祝
暫醉郟筒別

錦城

壯鵬城登眺

匹馬尋幽古帝城
相傳猶是桂鵬名
侵階茁草幾春色
落日飛霞故國情
滿目河山新著錦
隔江烟樹亂啼鶯
乾坤轉盼皆陳迹
獨倚青霄望玉京

紫金臺

出郭澄江淨客襟
紫臺仍帶浣花深
橙林夾路

歷代詩選 明倫彙編 五
啼鶯合檻竹含風
曳日陰玉壘雲霞飛綺練碧
山雞犬亂瑤岑簡書謬竊乘槎役月白天高
獵夜吟

恩譴保安
嘉靖戊戌冬十一月朔余小子仁恭遇
冊天大儀昧冒萬死疏上五事奉

旨廷答編管保安時大風陡作幾斃闕下後
三日乃霽旋昇居庸自冬徂春白骨漸
肉追佩殊渥不覺泣下爰識短篇

中宵鬼泣曉啼鳥一嘯乾坤萬慮無重荷
聖恩猶不死極知狂鷲尚餘辜
霧霧霰雪橫秦塞獵獵風靈慘漢都
春到忽因雙淚墮華封猶向
夢中呼

寄質齋舅氏錢翁

天畔長歌白晝昏
每於花月悵芳尊
倚閭時送千山目
陟屺頻驚九坂魂
捧檄翻違當日養
然鬚獨幸古人存
渭陽回首關情劇
便合携家傍鹿門

臘月朔日 章聖太后訃至繼傳 駕視

山陵喜而有作

翠華遙想 聖躬安無那山頭朔雪寒佳氣鬱
葱浮寢殿和鸞恍惚近桑乾月移仙仗千官肅
日繞龍鱗萬姓歡咫尺園陵人萬里湯勞雙淚
拂層巒

省院諸君李確齋朱二峯魯筆山錢南郭

周石厓馮貞齋扈蹕山陵刺問榻前擁

衾吟答

藜榻重圍臥雪岑忽驚雲雁擁衾吟漢陵秦塞
同為客瑣闥江湖總此心芳靄四垂黃屋迥橫
汾山奏翠微深周南留滯何嗟及盛典無緣奉
蹕臨

胡舜咨胡巡按同年草堂豐貺

青山白骨赤松姿荷鍾填溝隨所之薄譴正愁
天網漏謀生暇問草堂貲承家久矣嚴三畏作
吏先嘗佩四知千古芳聲賢管鮑須崇令德答
明時

侍御毛同年皮巡按分惠米曆相繼到關
白頭傾蓋總情深萬死投荒荷聖恩推食每
分周餼廩授時重睹漢乾坤日邊驄馬乘春逸
夢裏雲山落照昏却笑相如病消渴賣金猶自
賦長門

聖訓答倫右溪吏部

關山一榻懶書空忽喜仙音自漢宮天上持衡
推鑑藻日邊分祿念途窮寒輝慘淡憐殘月秋
色蕭疎怯斷鴻徙倚瑤臺人不見佩聲遙在五

雲中

章聖哀詔雪後至關

北風吹詔折河水野色關山雪萬層漠漠胡天
雙過鳥蕭蕭松雨一疎燈夢回夜枕長安遠望
入春闈涕泗零千載會看隆孝典五雲常繞
獻皇陵

同年張憲伯雪中惠至

東風遠送故人情朔雪朝來忽滿城強爲白衣
聊命酒轉添清淚欲沾纓江山是處回春色歲

月憐君重寄聲試問翟公門下客祇應不似舊
延平

陳博士元夕惠至

春風萬戶競元宵湯以華燈破寂寥絕域幸今
逢地主長城自昔限天驕風傳塞角明河動月
瑩金波紫闕遙念汝寒齋惟有雪還勞苜蓿慰
漁樵

大雪中喜眷屬至自京邸

天涯骨肉重相見歡劇翻令涕泗流蝶枕夢回

簾數捲鹿門春動蟻初浮衣侵朔雪嚴關夕風
動胡笳出塞秋聞道金雞詔闔闔片帆遙指白
雲浮

翟石門閣老行邊過關寄楊司馬大夫贊

畫便呈尊君侍御

春風玉輦動長安相國巡關出塞寒賓幕獨誇
揚執戟轅門盡列漢材官九邊捲甲開鞞鼓五
月披裘只釣竿寄語維揚驄馬客鶴書何事斷
桑乾

燕至

把酒題詩花欲然
俄看社燕語堂前
居巢已是更新主
作客依然似去年
千里交親鞞鼓外
半生羈跡犬羊邊
閉門著述還吾事
莫遣春泥汚太玄

張明府率諸生携酒乞講

別館新開竹裏厨
謬勞多士集山居
丹砂祇合尋勾令
白雲何心復子虛
茶竈碧烟連野徑
石床斜日映郊墟
叅軍總道能蠻語
楚客終然念

越閭

羅叅戎伯仲宴予南圃薄暮歸作

鬱蔥佳氣滿郊關
羅立羣峯翠靄間
是處孤雲堪傲骨
忽來疎雨破愁顏
池邊恰喜連枝集
馬上無妨岸幘還
落日會逢烽燧息
悠然一榻對南山

南山

出遊南關

五陵佳氣鬱晴春
天設居庸護北辰
夾道雲巒團紫翠
兩崖溪樹雜松筠
北征出塞思雄烈

南陌回鑿仗直臣萬古河山雄帶礪乾坤何處
不閒身

太史羅念菴唐荆川駕部傅少巖間道居

庸視予山中賦贈

明時三雋漢賢良匹馬衝寒到草堂落日不妨
頻慷慨青山自合老疎狂一時傾蓋暫雞黍千
里論心重范張今古乾坤公輩在野人惟有頌
虞唐

錢侍御巡關至居庸乞余脩誌

居庸天設限華夷廻合羣峯拱帝居畫角中
宵吹北斗青驄晴日度靈墟關山自昔嚴戎馬
杞宋誰憑辯魯魚却笑史遷遭戮辱空勞紀述
度居諸

楚中丞携酒飲余野寺

野寺蕭蕭亦幻身每勞携酒見情真山雲併入
諸天勝秋月重看絕塞新上谷風烟方建節禪
房花竹幾留賓羨君幕府偏多暇凱奏何妨對
奕頻

七夕

謬道歸期正及瓜萍踪猶是隔胡沙
空庭盡日生芳草銀漢何緣犯客槎
羌笛不堪清夜永天雞空悵碧雲遐
秋螢明滅長門寂飛夢頻勞繞翠華

西路由紫荆關

千山急水度浮圖胡騎曾茲犯
帝都每飯豈宜忘鉅鹿防秋先合塞
蜚狐雄關虎踞神州迥羣隘星羅孔道孤
落日獨懸戎馬淚杞憂誰為

達天衢

歸過河間樊給事同年往視驛中作

易州信宿到河間同是皇畿百二關
歸國豈期逢驛路憂時曾記共朝班
雲山千里逋臣淚風木三年孝子顏
相對各憐情事切後期休問賜環還

對月

清宵對酒獨徘徊
悵望春山月滿臺
千樹碧莖開不見
一聲鴻雁自南來

歷代詩選 明倫彙編
不聞人侍御出佐湖南按察寄贈

豸繡衝星出建章
楚天烟月夢瀟湘
裁詩爲報
衡陽雁莫遣音書滯朔方

塞上曲

皇家九塞獨居庸
獵獵頻驚八達風
夜上戍樓
看北斗胡沙萬里薄
羶戎

其二

青青塞草暮雲平
上谷晴嵐接紫荆
誤道左賢
還夜獵直傳刁斗到天明

其三

聞道典和復舊城
捷書連夜奏承明
單于連部
沿河泣月照沙場
血滿營

石倉十二代詩選

四集卷九十五 終

石倉十二代詩選

文懿集

大明

常熟瞿景淳著

送梅江林先生赴任常熟

彈鋏何偏仄懷玉遺榮名達人貴適志豈必仕

專城君家盛勲伐濟濟飄華纓遺愛滿吳中千

里棠陰生民間君當來提挈爭權迎何以慰所

思願言賦役平海防豈不惡妖氛喜暫清何當

子游里再振絃歌聲

歷代詩選 贈給諫李元實使西川便道省親三首

性僻媚幽獨每辱高軒過縱言及古人長笑薄
荆軻提携一七首計窮若燕何徒令易水上千
載遺悲歌予衰壯心歇久欲尋漁叢今夕聞君
言匣劍爲君磨君誠節槩士青春莫蹉跎浮雲
無定踪遊子無定趨王事羈我身行行策驪駒
川途假我便親舍當前衢捨驂入里門升堂問
起居豈貪使節榮令人負弩驅但及二親壯聊
奉一日娛捧觴自起舞望闕仍躊躇

里其其二

南國盛旌旗西山多鼓鞞戀戀綵衣情耿耿嚴
程思省侍席未煖整裝復言辭豈不念晨昏王
事今我遺叱馭果誰子屐險輕如夷仗劍出門
去拂拭光陸離下願斬虎兕上願截虹霓

全入其三

行行入西川棧道連雲霄寒風捲征旆嚴霜靜
前臯行過武侯祠古栢森蕭蕭停車少徘徊緬
懷經略勞崎嶇一隅地羗戎戢不驕今當全盛

歷代詩選 贈侍御劉叔度以使蜀便奉母南還
時征調何驛騷何以佐宵衣願言采風謠

問君行何之將命赴西川川中稱奧區劔閣當

金天西南控諸夷經略從古然 聖德同天覆

端居念窮邊法久慮生玩特假司察權小臣奉
明威敢不思勉旃

其二

與君同少孤有母幸而康迎致就君祿迢遙道
里長今君驅車南邂逅權相將誰知王生馭得

奉潘輿觴欲留畏簡書臨期重彷徨且復停斯
須忠孝不兩妨

其三

君本南州豪雅操與衆殊聲價籍中朝奚啻照
垂珠今攬孟博轡清風爲前驅行見朝雲豁草
木與昭蘇淵魚幸無察中存聖賢謨

送人貴適意仕進豈一途披褐未云賤所貴懷

瑾瑜秋至天氣肅驪駒秣新芻疾足輕千里誰

謂道里迂願早揚令名乘鳧向天衢

其二

閩水多激湍閩山多險仄有魚不暇釣有木不暇息我行亦何求山水多秀色男兒志四方聊以慰夙昔簿書敢憚勞古記尚含壁

題庭中石假山

夙有雲林癖誤落京塵深誰爲遺此勝一見諧夙歛木石無俗姿古淡空人心高堂六月寒蕭然若山陰時或展我書時或絃我琴誰謂木與

石相對如知音

秋懷

江介多警報薊門空滯滯白鴈霜前來噉噉多哀音登高試一望玄雲結重陰親舍定何依惻惻傷我心夜歸悄無寐驚鳥號北林人生非木石能不愧此禽

其二

秋夜不能寐起視臨軒墀明月入我懷幽恨不自持憶昨赴京洛正當月弦時月行幾圓缺我

歷代詩選
明賢詩選
行無還期祇應清光同千里常相思何常生羽
翰一舉凌雲霓

其三

芳桂苦不實叢蘭無久榮寒蛩會我意唧唧堵
前鳴哀哉貪鄙徒忘身殉利名高臺忽以圯曲
池突以平吾今且林臥逍遙學無生

雨中漫述送周敬齋南還

端居足岑寂維子頻相過恍從詹尹游微言滌
煩痼今晨忽辭去離索如我何山川渺縣邈雨

澤方滂沱枯麥幸復青饑民望撫摩予今下吳
門輕帆沿素波澤中哀鴻鳴道左勞人歌衣冠
聊自慰感慨良已多予何久滯淫雲山莽嵯峨
安得凌風翰一舉絕虞羅

送愛菊魏先生赴東陽

十年京洛遊今始得一官縱飲傾北海酣歌彈
南冠老驥終奮躍寶刀頻拭看海門八月濤聲
入天風寒那得洗甲兵未見吳越安

鳴鶴篇

蒼崕有黃鶴結巢古栢巔巢成復生子相携戲
雲煙一舉凌萬里和鳴來九天飢啄青田芝渴
飲碧澗泉時時御僊靈雲路相迴旋斥鷃望空
笑奮躍安能前願因集玄圃逍遙不計年

懷鳴齋蕭先生

舉世愛佩刀千將棄泥沙舉世愛服馬騏驎困
鹽車物理多舛錯烈士空嘆嗟我行金臺側荒
榛亂鳴鴉誰當理遺址突兀凌雲霞

其二

烏鳥得腐鼠仰顧嚇鳳雛鳳雛忽不顧高飛向
天衢清泉涌甘醴竹實駢明珠飲啄聊自適豈
能汨泥塗寄語瑣瑣子無爲輕笑呼

夜夢題匡廬圖覺而成之

道人愛山久成癖戶款山光與朝夕忽辭故里
來金門夢寐時猶面蒼壁誰人貌得匡廬峰儼
如石丈遙相從蒼然正色鎮南服不與雲物爭
春容巖深谷阻誰能極中有瀑布如垂虹千秋
噴薄不增減靈源疑與天河通道人對此長歎

歷代詩選
息山在人寰人不識焚香默坐神獨遊安得乘
風生羽翼

燈夕

今夕何夕宴北堂華燈燦燦飛羽觴纖雲不興
碧天淨珠星碧月增輝光庭中小山餘積雪狀
如六鰲駕海擎玉梁更有古栢三兩株金枝翠
葉顏蒼蒼何須火樹闢竒巧暗中時自聞天香
蓬萊諸仙亦吾侶酒酣便欲凌風翔

送錢復軒秋官理刑淮上

長安城東征馬嘶渭城歌闕中心悽臨岐並馬
駐不發相看不忍輕別離嗟君苦節世稀有何
以贈君乏瓊玖千里見月如見君一望清光一
回首漂母祠前日欲西城頭旌旆風淒淒萬舸
連檣向北發吳粳越練填京師邇來河流日
奔猛時時決溢愁烝黎豈無雄城控南北叫號
每厯專閫思惟君壯志素激烈南渡淮水當擊
楫願得淮水常安流召對彤彤庭晝三接
江南行送將樂丞晴巖張公之任

歷代詩選
贈吳隱君
我從江南來君向江南去當筵聽驪歌脉脉欲
無語豈伊念遠別時危慘情緒慚予懦劣空儒
冠十年金馬君恩寬幾欲披忱叫閭闔顧無奇
策坐長嘆只今幕府需異材倚雲高築黃金臺
販繒織薄盡收錄潛虬騰躍乘風雷君懷利器
宜盤錯斗酒今日爲君開酌君酒勸君行贈君
龍泉劍爲我誅長鯨古來致身豈一途士或跣
跪垂勲名高歌送君氣欲塞安得江漢妖氛清
元文贈尤兵憲汝白

北闕趨陪久南藩出鎮初地分庾嶺外俗洗粵
人餘行部蹇帷幄懸衡聽計書高州有遺愛應
爲一停車

贈吳隱君

地勝鍾英傑山陰闢草堂靈光明戶牖空翠撲
衣裳貯閣牙籤滿開軒秔稻香願言培世德千
載莫相忘

贈天津黃兵憲

神京天設險南北此襟喉建節掄名德伸威藉

壯猷浦雲連雉堞海日耀戈矛軍府多閒暇相
將選勝遊

同林平泉遊靈谷寺

法王非異教無極本含三水月空中相松風靜
裏談連峰高並玉曲礪遠拖藍起滅誠何意天
光在碧潭

白燕

翩翩公子脫烏衣雪意雲粧世所稀紅杏開時
翻素綵畫梁棲處澹朝暉輕盈不讓霓裳舞婉

約還同玉鳥飛最愛貞心知戀主年年社日繞
荆扉

送秋宇胡太史使襄藩

襄藩形勝雄南服太史文章逼上台山勢直從
雲際出江流遙向日邊來疏封共仰隆周典作
賦懸知陋楚材記取羊公留片石憑君重詠拂
莓苔

聞警

天驕自古限關河誰似年來警報多逆耳幾回

思汲黯拊髀虛自憶廉頗軍儲百萬空填壑組
練三千枉荷戈獨有侍臣憂不寐悲歌擊劍奈
時何

送玄洲沈先生出守潯洲

天朝聲教徧南州冠冕乘秋作勝遊路入九疑
悲帝子風沿百粵想康侯雲封白石堪留碣沙
煖烏江可放舟官閣坐來公事簡願傳新句慰
窮愁

送古岷尤先生司教新昌

西風薦爽薊門秋送別還登王粲樓書劍飄飄
隨去鴈江湖渺渺入歸舟雷轟會見魚龍躍雨
過相看紫翠稠莫道廣文官况冷蒲城春色屬
君收

天壇招飲

春盡殘花落滿扉仙壇暇日得皈依修竹萬竿
通石洞名山四望護郊畿風清庭院聞天籟日
暮樓臺擁翠微坐久忽疑塵世隔林稍月上送
清輝

習鶴亭贈主人

小構朱闌俯曲池池邊老鶴影漣漪知公舊是
鵷鸞侶暫向南宮作羽儀

其二

月低省樹鐘初動露濕官袍酒半醒湖海莫言
廊廟遠紫雲西北是彤庭

石倉十二代詩選

明四集卷之九十七

趨庭集

大明

餘姚胡安著
後學曹學佺閱

古意

濛濛雲畔月離離雨底花花發雨偏妬雲過月
倍華盛衰如行跡往來何足嗟世無園綺徒遂
覺商嶺賒

又

風鳴菱荷畔忽來吹我衣月出巖岫間忽來照

歷代詩選
我扉傾蓋有遠契白首將依依嗟彼魏其客任
安能自歸

又

君常命駕來我亦乘舟去且作漁樵人共向煙
霞處浮雲非有心幽泉不知數傳聞石屋寒無
人能久住

又

朝居朱樓間暮宿白雲巔清風爲誰起相顧各
凄然明月寒江底衰楊古驛邊袂中記別淚長

寄遠遊篇

又

數彈不成調中有山水情紛紛按新譜恐非太
古音中散去我久哀韻棲寒林無絃亦自佳况
乃尋素琴

衡湘吟

大山何崔嵬小山亦自高大山摩霄漢小山翫
波濤出處各有適摸擬徒爲勞古來肥遁客未
必依清朝

又

首陽有芳薇欲采不可尋以此冠裾客投之豺
虎林天地豈不廣江河亦復深嗟嗟桑畔鴟惠
我無好音

閨思

君為塞外風妾為塞邊草颯颯如無情安得顏
色好昨聞鄰父談又在交河道寒衣莫寄將恐
君歸亦早

山居

市朝一何近雲林殆非遠驅馳旦暮間趨趨遂
忘返明月挂松陰清露滴蘭畹不知荆棘塗空
嗟往來蹇夕陽復自佳餘輝在山巘却笑陶彭
澤歸來猶太晚

訪友

遙望層山雲下有淵明廬混迹麋鹿群塵境誰
復如開尊覽爽氣杖策依寒蕪黃綺良自厚金
張一何踈送客偶晤笑肯渡虎溪水暝色赴平
林歲晏亦如此安得羲皇人相與論無始

秋日

朝見芙蓉霜暮聞梧桐雨縱有清夜月秋光復
幾許賓鴻自北來野泊未有主耿耿銀河開無
人見牛女老至自悲秋空階聽蛩語流螢照我
床餘涼生白紵樽中酒不空與君忘爾汝

有感

花開復易謝花謝令人哀泫然厭春雨何如花
莫開月來復易落月落傷人懷中宵寒露零何
如月不來有琴欲絕絃有酒欲傾杯譬若已逝

波誰能使重回來者日以近去者日以遠故人
今已矣已矣將安歸依依夢中見安知是與非

山翁

山翁不知白髮垂閒行谿畔采花枝兒童拍手
休相笑我亦曾過兒童時少年不閒易得老老
來愈覺閒中好携花且置松竹間殷勤莫放春
歸早

無題

春到春歸不旋軫綠陰稠處花開盡泥中何得

粘飛絮墻頭忽見過新笋荒園落莫待我來小
車久閣無人引獨倚南樓待月明平生懶作河
陽尹

江行

舟行平似鏡中坐彷彿雲山溪底過幽趣有誰
同賞音清流無處堪看唾乍聞鳥語就樹隱忽
驚月出當空火漁磯覓取滄浪翁夜闌擊節頻
賡和

姑蘇行

閒來曾買石湖船共道繁華勝往年笑逐桃花
春自在舞低明月夜相憐明月遂巡還復上桃
花零落終何向碧簫香甚數舍盃翠簾涼生初
下帳五陵衣馬睡還遲三峽文詞醉亦奇紫燕
黃鸝常對語碧桃紅杏更連枝東尋蓬島竟何
處西上長安當幾時長安久說路宛轉蓬島猶
傳水清淺世運消磨羨赤松宦途墮落悲黃犬
消磨墮落事堪傷窈窕崎嶇興最長未能約客
聯詩社卽欲移家住醉鄉酒劇虹霓連碧落向

成珠玉滄奚囊豈意鯨鯢翻海窟忽驚鴻鴈哀
江月中道遺骸楚些長沿城焦土兵歌歇燐光
似照夜歸魂月影常依舊掩門兵革亂中忘父
子關河隔後指鄉村中興將帥羨繫肘太平父
老思回首天河正可洗甲兵春雷亦復摧枯朽
百六何期運會遭九五仍聞宵旰勞荏苒蜃氛
從此絕岩堯麟閣爲誰高

山行

大松矗立逼星斗小松亭亭出岡阜我來倚樹

欲掛冠昔日巢山今在否知音誰奏中散琴交
歡誰飲中山酒忽驚樵父下寒林數聲長嘯碧
雲深逢人似厭市朝語轉入幽巖何處尋

隱居

青山流水互遶屋手把黃庭醉中讀浙瀝秋聲
起空谷散步堦除擾麋鹿朝蝸市蠅何碌碌晨
遊弄殼暮栖轂世事升沉手翻覆潛魚避餌鳥
擇木云誰泣麟誰賦鵬寧當鵲起且雌伏舊籬
不減陶潛菊荒園亦有子猷竹安得高人同信

宿水霜時復清林麓

江上遇風

黑風吹浪江倒流蛟蜃欲尾鸚鵡洲長年却顧
遲不發黃鶴磯頭旅客愁浮生翻覆何足計乘
流遇坎豈天意擊楫中流浪亦平卷帆夜宿招
提寺

湘上

娥英啼向湘水多東流併作洞庭波此君偶值
攀緣處舊有芳痕尚未磨愁雲遙帶九疑起琅

玕浦道總相似欲持苦節不忍將薰風夜奏殘
枝裏

對花

花前醒醉春晝長院落笙歌夜未央妬雨凄風
不相惜五陵裘馬無輝光此時揮手復長去煙
消月落不知處江畔蘆花浦地來誤驚別淚拈
飛絮

有所思

美人不見湘水寒何以問之青琅玕欲來未來

煙霧濶明河耿耿隨江湍江湍反覆未可信清
霜拂樹如衰鬢暫騎款段已自安無繇遠駕千
金駿

兵後

龍泉劔地狂態生海雲漠漠低吳城長風破浪
不可得時聽荒鷄中夜鳴腹地傳來合圍久棘
門灞上聞刁斗未覩諸公脫兔謀雲臺麟閣無
何有

客中

星光璀璨如欲曙鷄聲咿啞更相語客轅將發
轉踟躕萬里邊關從此去落葉流波次第愁不
知何處度深秋共君對月輒相憶縱有浮雲亦
倚樓

閨意

涼風動袖湖波起岼頭月影如秋水蓮房摘盡
蓮葉低含啼轉向芳閨裏征鴈還從北地飛山
川何處不沾衣應知薄倖思羅綺不着年年寄
到衣

江村

綠柳陰陰深幾許閒心欲共黃鸝語背指滄江
坐晚風客帆何事瀟湘去隔江煙柳掩孤村渡
水飛花欲到門自折松枝向茶竈客來應得當
清樽

山中

碧梧枝下閒行幾月光倒掛湘江水白紵衣單
坐稍遲聲聲落葉催人起臨水隨風自往還長
溪曲逕小重山縱無避世人來住更覺桃源未

是閒

洞庭

松聲作濤雲作海白衣蒼狗斯須改倚山長嘯
旅客驚紫芝照眼何人采小坐漁磯似舊遊川
光如水蒲江浮憑君莫弄君山笛恐有風波滯
去舟

山遊

翠壁嶙峋高萬丈中有幽人坐相向采芝深谷
晚含香濯足清溪晝生浪我欲從遊將若何野

風吹倒碧松坡瓊漿金液不可問道旁銅狄誰
摩挲手招玄鶴思歸去蓬萊安得終無路我家
舊住滄海湄弱水冥冥隔煙霧

登崆峒

馬踏桃花去應知主客歡龍宮臨水迴鶴洞帶
煙寒偏覺春山麗初疑蜀道難雲霄今咫尺何
處是長安

贈戎帥

胡塵接塞煙誰可勒燕然馬飲長城窟兵經好

水川瑯戈迴暮日古劍倚遙天獨請便宜奏無
如克國賢

至固原

久作塵埃客無因駐壯顏北穿金佛峽西望玉
門關病草回春岼輕鴻度遠山竹亭新見月如
向故鄉還

陳倉公館

幽館坐殘燭無人共暮秋霜催邊地冷鴈寄客
天愁世事將誰語鄉心不可留緼袍聊自愛何

羨驪驪裘

獨坐

清夜不能寐三星照我裳
螢明初度竹砧隱欲
凝霜爐澹峰逾翠園深菊更芳
熟遊關塞路不
省是他鄉

宿寶鷄

夜長終不寐掩卷坐餘寒
鳳嶺標蒼樹鷄峰拱
翠巒雲迷開漢棧水遶佐周竿
勲業今何有從
茲賦考槃

晉山思隱

老來漸古鏡春盡怯芳卮
晚計巖泉在閒心鷗
鷺知江雲迷故岫堤絮別新枝
但有五湖約扁
舟今未遲

自歎

鬱鬱久居此驅車何所遊
近當栖碧岫遠欲訪
舟丘葉脫漸衰鬢風涼怯敝裘
長生自有術歸
去暮雲頭

閒行

羽翮苦未展低飛在藩籬雲霄空竚想江漢且
驅馳晚計存盤谷高情寄習池常思行樂處猶
似少年時

送別

送君湘水上爲君彈素琴調高和彌寡地遠情
自深明月照孤舫清霜沾素襟愁心秋樹葉風
畔爲誰吟

閒遊

看山意不盡還上釣魚船松影臨清瀨嵐光媚

遠天酒闌携月去歌苦倚雲眠何許長安客經
從湘水邊

入山居

晨起渾無事山居日倍長偶因花徑雨漸作草
堂涼泉響琴分韻苔痕屐帶香無人共尊酒獨
立待斜陽

金陵

時平更覺宦情閒次第春光燼水間獨向尊前
問明月多從馬上看青山陵藏衣劍傳龍遠臺

歷代詩選
朝班
繞笙歌想鳳還可道繁華同上國只憑清夢到

秋思

長堤選樹蔭微風擊節高吟酒欲空梧葉乍零
秋色裏鴈聲相續月明中依依釣艇歸何暮隱
隱山城望未通客路鄉心爭歲月百年笑口幾
人同

志隱

煖風吹向市朝塵翻笑山居少四鄰逕遠何殊

盤谷隱源深猶勝武陵春竹枝倒澗似無地月
影入簾如有人濯足振衣俱得意莫辭踪跡滯
江濱

題東郭逸叟卷豐城雷少郭父也

匡廬高接客星寒遶郭浮雲盡日看倚有聲華
歌別駕肯因名利夢長安斗含紫氣誰占劔袖
拂清風獨掛冠幾見鳳雛揮諫草尚餘忠赤映
毫端

鶴

爲墮樊籠失舊林曾經仙馭控來深獨憐晴日
雙棲影猶抱寒雲萬里心白鴈莫思同侶伴黃
鶯未許竝清音分飛留得琴中調餘韻悠揚不
可尋

山行訪友

杜門懶作送窮文與客行春酒未醺濃露沾花
如冒雨輕煙拂艇似乘雲倚山長嘯空林震連
袂群歌遠岫聞將爲蒼生起高臥杖藜今特訪
徵君

江上

扁舟徐引故園賒思繞名都作夢華鳥道子規
啼古木龍城白鴈宿寒沙館娃尚憶隋陳曲梁
燕空尋王謝家可愛長安清夜月誰人來照浦
蹊花

山館

秋螢嘗照小窗書流水青山是客居自許閒心
如野鶴誰知餘樂及池魚雲踪來往清風後萍
葉分離驟雨初曾約明晨訪巖屋殷勤折簡未

應虛

遇風

連日尋春到酒家東風作惡暗黃沙已曾報過
平安竹祇是吹殘富貴花冷落茅簷閒社燕微
茫水澤開官蛙流鶯何處傳消息却讓垂楊得
歲華

秋意

青山重疊未應愁卽欲長行復暫留籬菊開時
催酒看漁舟宿處伴雲浮鴈聲似報三更月松

韻如傳萬壑秋何事寒潮將客恨朝朝來往越
江頭

閒行

暫居朝市顛林丘宦路如閒亦勝遊授館寧同
彈鋏客還家不作寄書郵坐依古水漁樵狎吟
向寒雲花鳥愁正有同心三兩輩金尊已盡且
淹留

叙景

菊老又傳花事少江清偏得客愁輕平沙馬跡

歷代詩選 明
長途景孤嶺猿啼獨坐情乍過行雲補山隙無
端落葉共溪聲未償酒債空尋會欲附騷壇更
乞盟

閒行

野徑閒行日漸遲旅情休遣鬢華知恨無秘術
傳丹竈喜有餘功近墨池何處溪流山樹影幾
時春發曉風枝田園變後幾蕪盡歸去空爲元
亮詞

西湖

路礙花枝手與扶微吟不覺到重湖仍尋和靖
閒居地還勝錢塘舊掛圖古寺撞鐘雲外隱寒
松照影月中孤釣舟莫訝無人繫一片冰心似
玉壺

自叙

長鯤未遂搏風志暫作滄溟汗漫遊臥引煙霞
歸石室步隨鷗鷺下蘋洲書當插架誰能讀富
欲執鞭吾所羞却憶莊陵桐水上清名千仞釣
綸收

歷代詩選 明 胡 氏 上 其

岳武穆祠

痛飲黃龍意氣遙用兵全類霍驃姚金牌矯詔
誰能辨玉輦蒙塵不可招冤血曉成葺子碧忠
魂暗逐伍胥潮史編亦有姦雄傳遺臭流芳兩
未消

春興

世上名花不解語還憑詩社論芳情甕邊客睡
酒初熟江畔潮迴舟甚輕月印溪山分夜色風
傳桃李作春聲故人曾約看雲去預計匡廬幾

日程

秋日閒行

蒼松偃蓋覆吾廬俯視澄潭可數魚風到乍迴
流去葉螢飛時照讀殘書西山拄笏氣應爽北
海開尊坐未虛游屐轉從雲畔入朱門寂寞近
何如

春日途次

香氣侵人渾欲睡夢間猶憶是清明風和早許
花無恙雲過長憐月有情遠岬曙光開物色中

流帆影送江聲南來纔覺離鄉土更數燕臺兩
月程

山亭

穩臥山城夢遠遊翻從旅客問更籌浮生正似
春宵永舊業還如樵徑幽斥鴳自諳籬落趣塞
鴻猶作稻梁謀花村騎犢長吟徃彷彿長江爲
我留

又

乘興剡溪春欲暮絮飛似雪近黃昏潮迴水曲

停花片風拂雲層點月痕茅徑荒蕪新作室桃
源迂邃別成村此中不減蘭亭勝欲取清泉當
酒尊

江村

常年抱病臥江村貫得春醪手自溫閉戶草玄
心獨苦臨池飛白興猶存欲開未放花依檻似
別重來月到門此意市朝渾未解塵機羸少共
晨昏

溪行

歷代詩選
寒溪新漲未全消，欲泛漁船隔小橋。
花塢曲欄愁徑滑，酒村懸旆喜風飄。
茆廬斜映隔峰月，僧寺閒聽入海潮。
莫論春明如遠別，詩魂黯黯已難招。

獨坐

坐榻蕭閒似早秋，蟬聲竹韻更相留。
吟詩不覺衝京尹，束帶何堪見督郵。
楸局待分憐楚漢，柳瓢初掛憶巢由。
祇應山叟知名姓，麋鹿隨來到處遊。

山舍

茆屋初成蕙水濱，空思陶謝作芳鄰。
月如佳客過清夜，花似離人去隔春。
萍掩小池魚躍棗，垂深院鳥啼頻。
每嫌佳景多遲暮，欲問陰晴竟未真。

衡湘道中

一麾出守又經年，往復江湖似舊緣。
沙市輕鷗新雨到，佛堂清磬曉風傳。
磨厓碑畔常留駕，回鴈峰頭自寄箋。
湘上數逢南粵使，何當腰笏引

官船

途次

倚杖謳吟興未紓
蒲林黃葉遶柴墟
寒風送鴈催刀尺
新月隨螢照簡書
曾憶投珠將按劍
休誇題柱欲乘車
京華故客元同輩
近日蜚騰我不如

聞亂

遙傳花樹暗吳城
風撼長橋浪欲生
困蝶正應隨旅夢
流鶯空自送春聲
三湘鴈轉水初泮
五

嶺雲迷瘴未清行
客何緣復南去
他年從此是歸程

草堂

待君不到爲君吟
尊酒重開夜已沉
飲去寧辭投轄興
別來仍有抱琴心
溪聲漸急楚江雨
枕角初寒秋樹陰
此際旅懷殊冷落
暫能相見獨情深

白石清泉不上塵
小闌曲曲自藏春
飲闌蟬韻

歷代詩選 明胡樂川
如催客坐久松陰欲避人魚躍亦知濠上樂燕
歸猶戀旅中貧知君本有清幽興數日纔來意
甚真

冬暮

客夢常依湘水曲詩情宛在灞陵橋重巖欲暝
頻看月荻渚初乾正作潮賣藥穿雲人自識烹
茶掃雪客相邀小窻彷彿梅花發試問春光隔
幾朝

郡中初夏

正憐花事離春少忽覺驚雷入夏多僧榻風清
溪外竹客舟雲動月中波池連嶺嶽林多瘴門
對瀟湘景乍和遊樂未應無勝地長因案牘罷
笙歌

山行

長楓似作青雲梯涼風吹水雲漸低中流翠石
殊可枕蒲徑松花何未齊竒卉偏從春後發野
鶴欲借林間栖獨自杖藜尋樂處不須重到武
陵溪

郡中

案頭雙燭報初更
烏鵲南來月正明
溪畔絮飛游子態
峰頭鴈轉故鄉情
閒花野草催歸思
綠樹青山是去程
休笑隴耕爲後計
扶犁自覺勝閒行

寄祝復齋都閩

曾聞統袴未談兵
早羨才華冠帝京
軍令隱如逢敵國
廟謨今欲倚長城
風清組練關河靜
雲淡旌旗星宿明
舊是伏波經略地
南中草木亦

知名

固原

柳色凋殘雨未收
陽關西去更堪愁
平川落照連秦苑
古道炊煙覆驛樓
刁斗風清初禁夜
蘊帷月冷盡防秋
雲山最是淒涼地
今夜邊關第

春遊

農家見慣村中景
却問春光何處新
山鳥群歌花帶靨
野麀酣睡草如茵
霜浮竹籜初含粉
雨

屋个言通
浥松鱗不受塵行盡山溪人未到祇應樵父是
比鄰

送別

長爲蒼生鬢欲斑雲林踪跡落塵寰早携琴鶴
相隨去又見圖書共載還朝罷不談温室樹醉
餘常看敬亭山定應高接夔龍武麟閣銘勲歲
暮間

途次

客路青山幾處同無緣解轡暫從容寒梅潛發

茆齋後古栢多生石徑中兔窟藏時常苦雪鶴
巢懸處不驚風安能棄俗尋真隱長此浮埃嘆
轉蓬

王母祠

對飲瑤池喜欲狂勝游真在白雲鄉涇河東下
灘初急塞鴈南來路正長曾憶碧桃花爛漫終
疑青鳥信微茫浮生莫道仙凡隔只看蒼山到
夕陽

閒居自叙

自喜炎途絕刺函何妨潦倒着春衫
哦松賴得長無事題鳳應知更不凡
吟席月過如見訪書窻草發忍重芟
他年欲問幽栖處只向清溪與碧巖

又

小作茆亭客自來舊時松檜已分栽
花香竹影侵碁局泉韻鶯聲遍酒杯
苔蘚欲生隨雨長煙雲未到待風催
朱門行樂今無幾懷抱因君得好開

又

座中不厭前村月旅邸雖貧自往還
栽柳卽疑彭澤畔看花殊勝武陵間
泠泠曲澗常穿竹渺渺寒雲又過山
無復塵埃留夢寐縱居朝市亦清閒

別客

風引秋濤路漸分碧山無地不氤氳
幾從席上問明月誰解籠中貯白雲
放浪形骸寧作我流連歲月不如君
凭闌試誦驪駒調早愧河洲玉

鷺群

吏隱

聞說仙家在翠微結廬人境願終遠半溪花落
隨波去千里鷺啼送客歸老景却慙松菊茂宦
情終較稻梁肥倚牀試作莊周夢傳語兒童暫
掩扉

又

車馬閒中愛獨行村莊信宿景偏清窻含殘月
寧知曙山抱寒江恰似城解綬恐孤三徑約泛

舟還共五湖情浮雲蔽日終何意出岫孤踪已
自輕

思隱

聞說仙家在翠微草堂猶得近漁磯倚林落日
誰能駐傍馬殘雲故不飛野鳥閒驚游客夢嵐
煙時潤坐禪衣小溪漸有桃花片采藥今知定
未歸

雨中

看屐仍開竹徑行春光黯淡不多晴未愁遠道

歷代詩選
泥初滑正喜懸崖水自鳴鸚鵡晨呼長宛轉茶
縈曉發最分明江村近日蕭條甚鷄黍相招舊
客情

過白河

沙堤隱出水微波舟子相招過白河冬暖似春
花事少夜長如歲客愁多孤林落葉此時盡絕
塞離鴻幾處過却笑塵踪籬畔醉故園其奈寂
寥何

子真谷

谷口今無高士棲古碑猶見姓名題岩巖閣道
馬相避寂寞松陰猿自啼正憶山高看月小還
驚日近覺雲低游人獨與柔楊約粧點春光到
小溪

蓮湖李叅伯招宴水泉寺

出郭相邀尋樂地沿溪再喜遇名山客途預想
終年別僧寺真成半日閒池上碧蓮開漸落泉
邊青鳥去應還使君高宴情何極百丈丹梯許
共攀

病後

病裏逢春懶倚樓
崆峒空憶去年遊
雪消高嶺涇流急
香散群花秦苑浮
鄉夢總長還易醒
鶯聲雖巧亦多愁
田園蕪盡忘歸去
獨使人稱馬少游

寄浚谷

閒來負郭候文星
酒滿清樽客滿庭
左史訓詞聞楚國
右軍書法見蘭亭
巖廊通夢應圖象
冠帶園橋願執經
抱膝共論天下計
此時群醉獨

能醒

送別

送君河堤畔
草色故應好
歸來莫待秋
隨處見芳草

山行

游人偶延竚
忽見風雨來
携琴堪作枕
獨宿百花臺

秋思

中夜忽起飲
殘月向我明
流泉及蛩語
隨處是

秋聲

客途

曉入鴈峰寺坐見秋色遠風吹芙蓉枝花開何太晚

閨意

蓮舟逐微波下有明月痕相招莫盪槳乘月到前村

其二

別夢轉香閨避人啼紅筋書回自玉關玉關在

何處

溪行

未尋遠山約且向近山遊車馬不來處郊原亦自幽

郡齋

公牘有餘暇不妨群客來更憐門外雀日日繞花臺

別恨

日與林壑疎不如猿鶴羣徘徊孤石下寒空生

歷代詩選
卷之五
暮雲

暮春

連日得纖雨洗我竹上塵隨風度佳響不獨有
清陰

秋思

白雲如欲暝明月照我歸山禽亦解意時來溪
畔飛

雲林雜興

笑口難逢懶舉杯濁醪留待故人來只今誰是

陶元亮門對南山菊正開

又

松風陰陰曲澗清煙霞送客如有情踏破蒼苔
歸去晚半窻疎影月華生

煙波雜興

水滸孤村客未來白鷗時過釣魚臺古今回首
風塵別冷落青尊何處開

又

秋江隨地有蘆花釣艇無人趁浪斜閒上高原

歷不詩選
明故樂山
煙水濶村村樹影似浮槎

又

寒藤釣水月沉鈞無數
鯨魚趁浪遊橋畔
幽人坐歆石飛花
歷歷下前洲

又

洗耳前溪踏月歸
城中知舊近來稀
蘆花滿地如春雪
太半因風上客衣

又

乘涼夜坐數明星
蒲院荷香酒易醒
明日不論

晴及雨小舟邀客過山亭

又

雲壓春堤天正連
羣鷗趁浪遊湖船
草堂却在青山外
乘月歸來勝早眠

又

兒童弄水向江湄
折得新蘆當笛吹
黃犢遲歸山月起
瀟瀟梧葉蔽前堤

衡嶽雜興

巖瀨分流石髓寒
丹楓數樹月中看
却憐竹寺

無僧住誰復靈通似懶殘

又

山當高嶺雲常合水到中流風自清間數昔賢
遊覽處蒼苔落日少人行

又

春光假我數日晴七十二峰同月明正喜農時
田水足馬前啼鳥是催耕

又

幽泉自注石厓銷度壑寒雲去未遙松畔茯苓

無處劖倒騎黃犢自吹簫

湘江雜興

湘水逢春日日生漁舟夜泊遶江城楊花飛度
沉波去點點寒鴉樓角鳴

又

湘江雨久潤寒衣客權隨風上釣磯聞說桂林
春瘴合遊人好逐鴈行歸

又

百丈牽風浪作山別情何必恨陽關蕭蕭客坐

依燈影知是瀟湘夜雨間

又

曉煙被岼合平波細雨斜風浦釣簑一枕湖光
自來去君山深處月明多

又

湘江北下客南還照水花枝意自閒翻笑浮沉
終未定滯人風雨滿前山

又

行間欲探奚囊句席上徐揮麈尾談未遣溪山

終寂寞還應泛月過湘潭

又

重霧連江曉不收忽聞欸乃認行舟洲邊杜若
開無數解送幽香銷客愁

旅途雜興

春水微茫驛路長夢魂先自到瀟湘不應更向
盧溪住夜雨蕭蕭對客床

又

長亭暫別已堪愁况復携琴萬里遊忽聽雲邊

羣鴈語似傳關塞幾重秋

又

帶雨雲來暑漸消
即看亭午似清朝
肩輿不問湖南路
處處藤陰覆小橋

又

飛花片片送春愁
可奈愁中作遠遊
燕子磯頭明月夜
更無人共故鄉舟

閨怨

倚窗無語立多時
夢到陽關亦恨遲
恰是小園

花發候春風吹醒海棠枝

又

露梧連滴飛空井
銀甕夜汲怯脩綆
猶有芳閨倦綉人
含嬌待說金鍼冷

又

行春麗人曲水邊
欲開不開花可憐
交飛蝴蝶似得意
勿墮雙鬟寶扇前

宮詞

傳說銀河有鵲橋
昭陽宴飲似元宵
誰嫌牛女

佳期少猶勝朱門鎖寂寥

客途

小窻夜雨滴殘枝客館燈寒歸夢遲明日猶尋
西路去青山長似越中時

寒夜

一夜寒雲凍小溪溪頭野雀作群啼雪中不記
歸來路曲逕平橋認馬啼

有感

樗櫟材庸歲月深松筠避地竟何心托根空向

高岡上祇作溪園數畝陰

初秋

野菊叢生香暗浮日華曉射碧峰頭今晨未是
登高節曲徑繁霜勝暮秋

聲

松風小撼鶴鳴陰瀑布高懸坐寫琴酒盡呼童
覓春醒晚鐘催去隔寒林

閒行

雲通巖屋帶江城群客來游絲管鳴自媿知音

非我輩獨從松畔聽泉聲
非我輩獨從松畔聽泉聲

柳枝詞

惜取楊枝暮復朝
未經攀折欲魂消
閒中喜得無離別
緩步春風灞水橋

田家樂

日出鋤禾日暮歸
燈前兒女笑牽衣
瓦盆濁酒尋常醉
松下清風自掩扉

石倉十二代詩選

明四集卷九十七終

程